

Число 9.

Ужгород, 1. мая 1923.

Рочник III.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

А Д Р Е С :
редакціи и експедиції :
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА :
на рок 12.— К
одно число60 К
За границу 20 ½. К
До Америки 1 Д.

ОБЯВЛЕНИЯ
принимаются по цѣнѣ
за 1 сторону .. 100 К
за ½ сторону .. 50 К
за ¼ сторону .. 25 К

Сила Христового свѣтогляда.

Вороги свѣтогляда Христового с тым обвиняють соборну Церковь, что она напружает всѣ силы человѣчества только для осягненя послѣдной цѣли, т. е. спасенія в небѣ и с тым подкопуе охоту на работу за материальный благобыт; так, что приверженцы Христового свѣтогляда або до лѣнивства ся даютъ, або всю энергию свою размарнять на ведля них нанигоднѣ работы, т. е на молитву, размышенія и пассивнѣ добрѣтелѣ, якѣ суть пониженнность и самоотверженіе.

Посмотрѣм, ци молитва и размыщенія напничодна работа е и ци energiю размарнить ?

От одного урядника чутъ я, что священники большѣ податки мали бы платити, як другѣ люде, бо они больше молятся. Кто больше молиться, тот меньше робить, а кто мае часу на лѣнивство, тот най больше платить.

На то я отповѣдав, же кто больше молиться, тот и больше робить, бо кто не молиться, тот не мае охоту на совѣстну работу. И то правда е. Ибо кто молиться, не лишь умственную работу кончить, но и силу глядае противъ своихъ злыхъ наклонностей, силу на сношеніе бѣд, силу на исполненіе повинностей и наполнить душу свою, як даякій аккумуляторъ с потребною силою, energiю на работу и добрѣ учинки. А не говорю о помочи Божій, что Богъ благословеніе дае лиш на работу такого чоловѣка, который молится. Як св. Письмо каже: **„Ще не Гдѣ созиждаєтъ домъ, всѣе трудишася зиждашіи.“** (Пс. 126, 1).

Мы с Господом въедно маєме будовати домъ культуры, просвѣты, материального благобыта, бо если Богъ не дає благословеніе свое на ту работу — культура уничтожиться, свѣт

иде назад, а не наперед, як то от початку свѣтової воїни побачити можеме: „*всє твдншася зиждвшіи*“

Тоды мыляться totы, котрѣ мыслять, же молитва и душевный живот лишь на другій свѣт приготовляють человѣка, але для земного живота ніякій хосен не принесе. Звотки черпали силу на свою роботу предтечи культуры: монахи, котрѣ множество пралѣсов прочистили, землю обробляли и научили народы, як треба орати, сїяти, жати, если не из молитвы? Извѣстно е, что в середньом вѣку розвитіе культуры дяковати можеме исключительно людям того Христового свѣтогляда, котрый идею: „*ora et labora*“ т. е. „молися и роби“ учить, лѣнивство за 7. головный грѣх держить на только, что по словам Св. Павла: „*кто не ровитъ, най и не ѡкстъ*“.

И теперь звотки черпають силу люди на исполненіе своих повинностей, на сношеніе тяжестей, если не из молитвы? — Зато ревный єпископ пряшевскій д-р Нярадій так пише своим духовникам, коли совѣтує им кончиня правила церковного: „*Наслѣдуиме Святых Отцов.* Они дѣйсно за богато мали молитви и знаходили все час на молитви. Зато и сдѣлали стораз больше, як сто и сто других священников, котрѣ говорили и думали, же не мають часу на молитву, бо мають за богато роботы. Если чудуемсяся, что еден святий Іоанн Златоустый, або Василій Великій, св. Єома Акквинатскій так премного писали, ани бысьме не вѣрили, же они окрем того труднѣ дороги сдѣлали, проповѣдали и премного молилися. Або погляньме добродѣтели (чесноты) пониженнosti и самоотверженія, они охоту на роботу за матеріальныи благобыт не лишь не уменьшають, но уболяютъ. Пониженнostь сохранить нас от скламаня самого себе, от отчаянія, так, что человѣк пониженный всю надѣю свою на Бога полагає и зато его насильством не можно перемочи. Покорныхъ людей деспотизм нигда не знав под свою власть загнати. И годен быв их забити, мучити, но на оставленіе своих идей привести, або подплатити нѣт.

Пониженнostь и самоотверженіе выховали все найбольшихъ характеров, сесь добродѣтели суть найлѣпшою школою для тых, котрѣ успѣшно хочуть пановати над другими и матеріальныи благобыт народа розвити.

Або смотрѣм, ци направленіе енергіи людской до службы

послѣдной цѣли т. е. спасенія ослабили охоту и силы на работу за счастливость сеземну?

Уже Аристотелес сказал: „Послѣдна цѣль есть першій двигатель.“ От св. Матери Церкви назначена цѣль е найбольшим двигателем, который всю почву почвающую енергію до учинкованя привюв. Никто не знал бы таку або лѣпшу спонуку дати!

Тот, в котором Христос жіе, не може податися смутку, тяжестям, искушеніям; не може повинности свои занехати. Душа такого слов'єка е саме царство Божіе, ибо Іисус Христос учив: „Царствіе Божое въ васъ є.“ Такъ люде веселѣ суть, як тоты монахинѣ, котрѣ в больницѣ хворых обходять, або святѣ люде, котрѣ много робили и терпѣли, по зато все веселѣ были.

Чудное дѣло е, что правѣ тоты обвиняютъ Св. Церковь, же не добру цѣль мае и лишь слабых членов може воспитати, котрѣ животу людскому не знаютъ назначити певноѣ цѣли, не знаютъ душу с ничѣм питати, укрепляти.

Сила Христового свѣтогляда двигла свѣт из дикой некультурности до культуры и лишь с тою силою може свѣт сохранити и дале развити культуру.

А. К.

Листы до тебе, любезный мой брате в Христѣ.

ІІ-ій лист.

/ Христос Воскрес!

Любезный мой брате! Пообѣцяв я тебѣ написати то, же як то нам уважати треба на того великого непріятеля діявола.

Як ся его уважати? Та першій раз не гадай, же то пан діявол так ходить межи людьми як го малюють с тими рогами, языком, та хвостом, бо так бы от него кождый утѣкав и христиане бы были даже добрѣ. Знаеш, так е то, что два-три люде стануть з нынѣ на завтра даже мудрыми, айбо так мудрыми, же ученость священика або учителя тонич, они будуть всього говорити на вѣру, на церков, на священика инич на свѣтѣ не буде им добрѣ, лин шизма, батюшка, клеветы, вадня, брехня и інши так дѣла...

Кобы ты мав мало часу, я бым' ти доста мог написати, же яка то их бесѣда! Першій раз будуть каждого намовляти, обы ся записав на тверду, на справедливу, на руську „православну“ вѣру... И аргументують отсим: „Мы вѣру не хочеме ламати лиш твердити, лиш тогда годнѣсме быти православными, аж ся запишеме, бо священикъ не говорить из евангелія, бо священик бреше, бо лиш блюватися хоче в церкви, коли проповѣдь ся кяже; бо кто ся не запише, тот уже на все напишом буде, та 300 корон коблину буде платити, та того выженуть из села, того будуть в дурну школу слати, а лиш до нового року мож ся записати та и другѣ такѣ... А кто бы годен туй вшитко списати что они говорять! Ци не смѣшное? Поправдѣ лиш смѣяти бы ся треба, кобы в них не было чось дуже смутное, и то е то, же еще и сякими дурными бесѣдами найдуть собѣ доста таких, котрѣ им повѣрють и запишуться...

Не будеш ся хотѣти записати? Ой брате мой любый, та лишь тогда ти буде что слухати! Страшити, тероризовати тя будуть, нынѣ пробують тя набити, завтра наговорити, позавтрю выгнати из села...

А гадаеш, же аж ся запишеш, та вшитко в гораздѣ буде? Брате мой любый! Аж любиш Бога, вѣру и церков твою, та твоего духовника, тогда душа и сердце ти не дадуть покоя... страшно тя будуть грызти... Сяких каюющих ся у нас доста уже познаваю и не един плаче за тот свой грѣх.

Та брате мой любезный! Я тебѣ так кажу: Недай Боже ся записати! Бо: 1) справедливому христіяну имя не смѣє быти межи ворогами соединенія, 2) бо на истину православну каѳолическу вѣру не списоватися треба, но в ней крѣпко вѣровати и богообойно жити, 3) бо до свѣтлого царства не записи, по добрый христіянскій живот и заслуги ведуть!

Та тогда начто им тот запис? — звѣдуеш. Начто? Тебе лишать и пойдуть ид другому и скажуть ... уже и сесь и тот и Иван и Петро... уже всѣ ся записали а ты чому не хочеш?

Розумѣеш уже начто? Обы других легше звести!... Нѣт брате! Терпи вшитко, что лиш на тя будуть класти, будь твердый в своей истинной православной каѳолической вѣрѣ, бо справедлива Христова дорога все тяжка, многораз и кровава была... Не бой ся ничего! Бо знаеш Божа ласка як помогае доброму христіяну? Так, же у нас уже доста е таких, котрѣ

кажуть: скорше ми руку одотни, як мое имя там запиши... або: до послѣдноѣ цятки моєї крови не буду на их сторонѣ и т. д.... Ци так брате, же и ты нигда не полишиш свою отцовску вѣру: Так... так! и не полишай, бо добрый вѣрник Христа и вѣрный онук своим прадѣдам и не може собѣ иншак розсудити.

Айбо чекай лем брате! А аж с тою церузою та папѣрьом сам твой добрый сусѣд прїйде? Або кум? Або сам отец? А може будеш видѣти там уже записано и кума и сусѣду та отца, та тогда что будеш чинити? Може будёш им ся ганьбити противити и так им скажеш: де другъ там и я, что громадѣ то и бабѣ, або, я не мудрійшій от других, або пишѣть ня но на свою душу и т. д.

Нѣт брате! Най тебе и каждого в сель Бог хоронить од такой боязни и колебаня в вѣрѣ! Смѣло маеш казати, же нногда не запишешся. Слухай в Святом Письмѣ як красно стоить: (Мао. 11, 37.) „**Іще любитъ отца или матерь паче мене, нѣсть мене достоинъ, и иже любитъ сына или дщеръ паче мене нѣсть мене достоинъ. И иже не пріемлетъ креста своего и къ слѣду мене грядетъ, нѣсть мене достоинъ...**“

Розумѣш? По просту то только значить, же сусѣда не сусѣда, кум не кум, брат не брат, отец не отец, ай коли за вѣру мою, та за душу е слово, там радо и разлучимеся, бо креста я ся не бою, но любо буду носити в имени Христа...

Можно чудуемеся брате на сем? Не чувствуеме в себѣ силу противитися сусѣдѣ, куму або брату? Або може гадаеш, же я тебе против найблизших твоих наговорюю? А нѣт! Ты их чествуй, та люби, айбо в сем одном дѣлѣ, в вѣрѣ, аж тобѣ ишакше смѣли казати як Христос и его каѳ. церков, та тогды тобѣ в сем дѣлѣ слухати не свободно, а то из тоѣ простоѣ причины, же не отецъ або брат а хоть кум тя будуть спаси по Христос и его св. церков. Слухай як Христос сам ти каже: (Мао. 11, 34-36). „**Не прійдохъ вовреши миръ, но мечъ. Прійдохъ ко разлѹчити члка на отца своего и дщеръ на матерь свою, и никъстъ на свекровь свою. И врази члвкъ домашніи єго**“. Видиш! сам Христос каже, же боротися, противитися треба и своим домашним, аж бы они на блуд ишли. А дале чув ты уже на перво, же Христос наказав: что ажбо якійсь ангел з небеса бы ишак учив, як то Христос учив, та еще и тому не свободно

нам повѣровати. Айбо ты нигда не бойся противитися тым лже-пророкам, бо ты не гадай, же ты в сей борьбѣ лиш сам еден зостанеш! Аж бы тя и люде полишали, та и тогда знаеш кто буде с тобою? Сама Божа ласка.. Еще раз: сама Божа ласка!

Лиш твердо на справедливой Христовой вѣрѣ хотѣти ся обстati и Божа ласка неотмѣнно поможе! С таким намѣренiем Божа ласка тя до блуду не допустить, а кто там невинно зайнiов того выпоможе... Так помогла Саулови гонителю христiанства, и здѣлала из него св. Павла, стовпа Церкви Христової. И в нынѣшних борьбах многѣ ми казали, же „пан отець мене чось дуже задержовало от того запису...“. И се Божа помочь была. Уповай зато твердо на Бога и будь силный в борьбѣ, бо як и на желѣзо, которое не хоче ся в огнѣ погартати и оцѣльом стати вывернеся и каже ся, что не добра матерiя, так и для тебе бы дуже страшное было, кобы ты в сей борьбѣ упав и Бог бы судив, же ты невѣрный, дiяволу служачiй христiянин еси.

На сесь чась може я ти уже доста написав, та будь здоров, а другiй раз ти дальше напишу же як тобѣ ся треба справовати, як уже тоты записи готовѣ суть. А на доти бывайте здоровѣ всѣ !

o. Антонiй Михалович.

О церквахъ Американскихъ !

— Листъ изъ Америки —

Предъ тимъ 22 роками лишивъ я Америку, а теперь на-задъ вернувъ ем'ся, чтобы вѣдѣвъ то, же tota усиловность совзоромъ будованя нашихъ церквей, которую я въ моемъ юношествѣ пожертвовавъ въ Америцѣ, якiй успѣхъ принесла. Зачудовавъ'emsя, коли ступивъ емъ, до Невъ-Юрку. Церковь велика, вымальованна, електрикою спорядженна, прекрасный олтарь, на оболокахъ св. образы, такожъ на стѣнахъ, народа повно, котрѣ пришли Бога небесного хвалити, на корушѣ гармонiя спѣвала, за нею въ прекрасныхъ лавицахъ сѣдящѣ людiе спѣвали, видко, же хоть Невъ-Юркъ на свѣтѣ найбoльшiй городъ, — народъ хоть и роспустный, — но зато до церкви ходить, и хоть по большої части не есть тутъ рожденный но зато оферує, жертвує для содержаня великого будовиска. Подъ церковю сала, тамъ находится и школа, гдѣ нашѣ дѣточки

ходять учитися по руськи читати писати, въ церкви спѣвати, тамъ сходжуся и братя радитися, же якбы поднятися намъ, чтобы англики, нѣмци, словаки, турки, арабіане и Богъ знає яка народность и вѣра упознала ихъ за порядочныхъ людей. На сіе они дуже много жертвуютъ, держать собѣ священника, учителя, церковника, которыхъ всѣхъ такъ платять, чтобы по пански годни жити, плаца тихъ перевысшае 400-500 долларовъ на мѣсяць, что по нашему выходить на 14.000-17.000 коронъ. Дякови такъ якъ священникovi, и церковникovi дають квартиру, съ меблями заряджену, ажъ любо до нихъ зайти; въ комнатахъ видиме телѣфонъ, радіо, купельну, свѣтлость електричну, воду теплу и студенну, и центральное топленіе. Прошу ся кто притискае вѣрниковъ нашихъ на сіе, ачай влада, тадь сеся независима е отъ вѣры, ачай даякое панство, грусти, або компанії? Нѣтъ тисячъ разъ нѣтъ. Нашъ народъ якъ найпознійше выемигрованый сюда, вѣдѣвъ отъ другихъ вѣръ, же онъ тутъ лишь такъ годенъ имѣти слово, если зорганизуєся, если они будуть мати голову, котра буде ихъ вести, на котого священника будуть слухати, чтобы до в'една держалися, якъ уды по розуму духовника рушалися, и будовали будучность дѣтямъ своимъ.

Яка розлука єсть межи тутешними и межи домашними русинами! Бывъ смъ уже на 4 фарахъ и ани отъ одного вѣрника нечувъ емъ роптаніе, обгвареніе своего священника, говоривъ емъ съ англикомъ, съ нѣмцомъ, всѣ менѣ чести дають, иду на желѣзници не маю столца, стане англикъ, ци другій человѣкъ, на пути поведе мене куда пойти намѣряю; отъ вѣроисповѣданного такъ, якъ и безъ вѣры живучого, если на мнѣ поповскій колларикъ видить, достану отповѣдну честь.

А у насъ дома, якъ есть, о томъ и не хочу говорити!?

Тутъ каждый знає, что духовникамъ много годна дяковати Америка. Ачай дома нѣтъ? Кто основавъ школы, кто будовавъ церкви, кто ходивъ за тимъ, чтобы парохія получила земли, маєтокъ мала? Ци не духовники? Кто давнѣйшими часами на порядокъ сѣлскій допозеравъ, ци не духовникъ? А теперь по войнѣ, коли духовникъ про злобу поединокихъ не годенъ допозерати, что видиме? Тоже людіе, до чужихъ маєтковъ ламлються, церкви отберають, та сіе годно принести порядокъ? Изъ симъ можъ выбудовати будучу блаженность? Нигда нѣтъ. Презрѣвати

буде кождый русина и въ колотной водѣ затопится, якбы нигда его не было.

Прото любезнѣ братя напоминаю васть: если хотите, обы вамъ добрѣ ишло, организуйтесь подъ одною головою, айбо не такъ якъ до сего часу лемъ на бунтъ и непорозуменіе, но въ дусѣ того Іисуса Христа, который за васъ на Крестѣ умеръ.

Тутъ теперь добрѣ иде робота, кождый честный человѣкъ для житя годень собѣ доста заробити.

Паленку, сей дуръ не продаютъ, корчмы замкнутѣ, ъсти е доста. Говорять, же и куреніе цигаретликовъ закажуть, бо и то шкодить здоровлю человѣческому.

Вшитко запретили, что напротивъ правственности есть, но мѣсто того суть честнѣ забавы, которѣ уdamъ тѣла силу, крѣпость даютъ.

Въ будущности буду большие писати.

О. Иларіонъ Дзубай
священникъ.

ВСЯЧИНА

Да, дѣтино моя, будь священиком!

Славный французскій писатель Рене Базин оповѣдаe нам слѣдуючу подѣю изъ своего житя.

Одного дня подъ край осени ступив ем до хаты своего пріятеля Кароля Гуета. Його не было въ хатѣ; онъ быв при роботѣ. Гует есть властителемъ великого розсадника, пильнѣйшій у роботѣ од каждого своего роботника, коротшій при обѣдѣ од каждого своего ученика. Його плодова загорода, його цѣла робота въ загородѣ, його надзвычайна честность и його чувствованье за правду зробили изъ него чоловѣка, который не мав ворога и котрого всѣ люде мусѣли почитати. Если онъ казав: „ту маешь мое слово“, тогда можешь быти спокойный, же онъ свое зробить и же не забуде на свое обѣданье.

Коли панѣ Гует побачила, что я ступив до хаты, выйшла на другѣ двери и закликали: „Гуете, пріди до хаты! Ту е больше

людей, котрѣ хотять з тобою говорити. Люде то быв я сам. Гует лишив роботу, бо он точный, але поволи приходить, бо е из тѣх людей, котрѣ всегда идуть, а нѣколи не понагляються.

Он вымовляєся, что має засукањ рукавы, понукне ми пити меда и я піючи мед замовляю у него деревця сливок, яблок, грушок. Потом розмовляємо о его сынови, который має вже 15 лѣт.

Моего сына нема вже больше дома. Вы того не знаете? Попросив од мене, чтобы я его пустив до малого семинара... Теперь он там. Я быв на том мѣстѣ, где теперь стою. Он приступив перед мене. „Отче“ — сказав, — „я маю одну велику просьбу до тебе...“ И просив мене, чтобы я его пустив учиться за священика.

А что сте му на то отвѣтили? — запитав я. З лица його просіявало достоинство; мати потягнулася в тѣни.

Одповѣв ему так: Дѣтино моя, если бы ты быв мене просив перед пару лѣт, коли священики добре жили, я бы быв тобѣ сказав ще почекати и добре раздумати. Але днесь, коли е житье священиков так трудне, бѣдне и переповнене зо всѣлякими хрестами, днесь я тобѣ зараз позволяю.

Велике, достойно правого христіянина слово!

* * *

Понайперше христіянин каєолик. Того року святкує цѣлый ученый свѣт сторочницю славного ученика *Пастера* (Pasteura), который спомежи других важных рѣчей вынайшов и лѣк, з которым мож вылѣчити чоловѣка, котрого укусив бѣсний пес.

Едного разу быв той ученый чоловѣк на офиціяльном обѣдѣ в пятницу, а при столѣ подавали мясо. Он не хотѣв ъсти. Коли му на то еден гратуловав для того, одповѣв он на то: „В том нема нѣякой заслуги — я христіянин-каєолик и слухаю св. Церков. Для чого бы я мав быти непослушным св. Церкви задля мяса одного курятка, коли я то можу ъсти другого дня сколько хочу!“

При другой нагодѣ сказав той ученый чоловѣк слѣдуючѣ слова свойому пріятелю: кто много учиться, той має вѣру тверду, як селянин из Бретанї. Если бы я ще больше учився, я бы мав вѣру як селянка з Бретанї“. (Бретонцы суть обы-

ватели одной провинціи в Франціи и люде суть живої святой вѣры).

* * *

Я лишень служниця. Найбольше мѣсто на свѣтѣ е нынѣ New-York. Едного зимушного днѧ по полудню возилася една богата панѣ улицею Броадвай. Нараз побачила перед едним склепом малого на полу одѣтого хлопчика, босого, як дивиться через скло на выложенѣ там рѣчи. Молода затримала свою фѣру (каруцу), зыйшла долу и приступила до хлопчика. „Что стоишь ту на той страшеной зимѣ?“ — питала она його мило. Прошу доброго Бога, чтобы менѣ дав едну пару топанок, бо я босый, одповѣв хлопчина.

Панѣ забере хлопца за руку, вступила з ним до склепу, попросила теплой воды, обмыла руки, поставила хлопца на кресло, клякла перед него и започала му умывать ноги з своими бѣлыми руками. Потом зажадала добрѣ вовніянѣ ботоши, — моціѣ топанки и обула дѣтину.

„Но“, — сказала ставаючи и смѣючися малому хлопчику, — „ци теперь лѣпше?“ Хлопчина перестрашеный не пущав паню, чтобы з ним робила, что хоче и не мог сказать ани слова. Але на послѣдне питанье хлопчина подвигнув голову и блѣдый и перестрашеный мило поглянув на добру паню з очами переполнеными з слезами и усмѣлившия питав: „А ци Вы мама доброго Ісуса?“ „О, нѣт“, — отвѣтила панѣ почервонѣвша: „я лишень Еѣ служниця“. И она нагло забралася, чтобы уклонитися подяки людской.

Давайте „Благовѣстник“ из рук до рук. На концѣ года всѣх 24 примѣрников понесѣть у переплетню, чтобы съте мали кождого року одну цѣлу книжку, во которой так вы, як вапѣ дѣти и внуки найдуть оборону своеї вѣры. Соберайте предплатников. Каждый христіанин, кто любить свою вѣру, повинен предплатити и читати щиру, руську, христіянську газету „Благовѣстник“.

Новости

— Великое церковное торжество буде в Мукачовѣ. Мукачовскѣ вѣрники купили два величезнѣ дзвоны, котрѣ на просьбу вѣрников сам преосвященый епископ намѣряе 17-го мая на праздник Вознесенія торжественно посвятити. Из сего случаю Его Преосвященство всѣм вѣрникам так города Мукачова, як цѣлой епархіи удѣлит апостольское благословеніе. В рамках сего торжества Его Преосвященый посвятить за священника в мукачевской церкви клирика *Стефана Головача*. — Слухи ходять, что мукачовскѣ руськѣ жоны для 19-го войскового полка зготовили одну красну заставу, котру також Преосв. епископ посвятить. Кто участвовати хоче в повном отпустѣ апост. благословенія, той повинен того або попередного дня сповѣдатися и причащатися и на намѣреніе св. Отца, что есть: наверненіе отступников, помолитися 5 раз Отче наш и 5 раз Богородиця Дѣво и раз Вѣрую.

— Набожность и Спол. Державы. Набожность явно покрѣпляєся во Спол. Держ. Сѣв. Америки. Послѣ статистики во годѣ 1922. члены разных вѣроисповѣданій со 1,220.428 душами убогшалися. Число член. в всѣх церковных организацій теперъ: 47,461.558. Умноженіе минувшого рока приблизительно со 50% возвышае усіх пережних роков. Во годѣ 1922. разнѣ вѣроисповѣданія совокупно 9591 новых приходов и 15.252 новых духовников приобрѣли. Теперъ во едно 243.590 приходов и 214.583 дѣйствующих духовников е во Спол. Державах. Також во минувшом годѣ 3345 людей приключилося ко разным церквам, 42 духовников посвящали и 26 приходов основали ежедневно. Члены больших вѣроисповѣданій во Спол. Державах: Протестанты (совокупно всѣ секты их) 78,113.481, католики 18,104.804, жиды 1,600.000, мормони 604.082, греко-восточнѣ (шизматики) 456.054. Во майбельшой мѣрѣ члены католическої церкви умножалися: со 219.158 особами. За нею слѣдуютъ баптисты.

— Число самоубѣйців во Съв. Америцѣ. Годовыи отчет Товариства „Save a Life League“ сообщае, что во Держ. Спол. Съв. Америки от года 1918-го самоубіством 3000 дѣтей умерло, и то лишь чиноственно заявленъ случаѣ, но во дѣйстности число их много майбóльшое. Число всѣх самоубѣйців во годъ 1922: 12000, приблизительно только як во годъ 1921-ом. Из самоубѣйців лишь $\frac{1}{3}$ женщины. Между ними во равном числѣ находятся так богатъ як и бѣднѣ. Во минувшом годѣ 97 миллионеров и много богатых откидали от себя властными руками дар жизни. Едному лиш на десятый раз ся удало самоубіство. Наймолодшій самоубѣйца 5 роцій токмо, а найстаршій 100 роцій быв и внуки его мають уже внуки. Смутный образ луже. И что е его причина? Безрелигійное воспитаніе дѣтей во публичных школах. Недостаток крѣпкої вѣры и надежды во борьбѣ жизни.

Посвященія церкви. Для 15-го апрѣля с. р. то есть в недѣлю Єомину мали вѣрики гр. кафт. рудльовской церкви великий праздник, ибо в тот день одбылося поблагословеніе новопоставленного иконостаса, казателницѣ и обновленного св. Олтаря. С поблагословеніем быв от Преосв. Правительства Епархіального прашевского уполномочен В препод. о. Евард Шмильняк, глинянскій парох, декан врановскаго округа, котрый и торжественну св. литургію кончив с ассистованіем о. Іоанна Добрянскаго, пароха и тит. декана чемирнянскаго и о. Николая Такача, рудльовскаго духовника. Учитель рудльовскій, Іоанн Команицкій, красно провадив молодеж со спѣвом. — Прекрасну и одушевленну проповѣдь тримав о. Іоанн Добрянскій, парох чемирнянскій. Також притомный быв о. Іоанн Мадар, рим. кафт. парох в Соль. — Премного народу пришло из сусѣдных сел ко благословленію, чтобы в'едно радоватися с рудльовскими вѣриками, котрѣ сей иконостас, казательницу и обновленіе св. олтаря на половину с американскими родниками своими добровольными жертвами поставили. Работы кончили Антон Гелфер и Алойз Невицкій, епархіальнѣ рѣзбарѣ из Бардіова.

Депутація епархіальна в Празѣ. Др. Георгій Шуба каноник, Олексій Коссей бережскій, Виктор Карцуб ужгородскій, Иван Егрешій мараморошскій архидіакон и Корн. Хира нересничанскій намѣстник, як делегаты Епархіи Мукачевской на днях в Празѣ были и перед всѣми одновѣдными форумами открыли тоту

Рок 1923.

„БЛАГОВѢСТИК“

Сторона 145.

рану нашої епархіи и цѣлого Подк. руського народу, котру причинила безсовѣстна агитація большевиков-шизматиков. Фактами доказали, что малограмотнѣ батюшки били тими, котрѣ меже честным руським народом розсѧли зерно междуособици и религійной войны и суть виновниками смутной долї руського народу.

В Празѣ с обуренiem слухали заявы делегатов и пообѣцдали, что в короткій час радикальным способом зломлять всѣ насильствія и беззаконности шизматиков. — Мы из нашей части повторительно заявиме наш публичный протест и отзываючися на оборону Республики выданѣ законы рѣшучо требуеме переведеніе закона против шизматицких терористов, бунтующих батюшок, як и против тых урядников, котрѣ смѣли бы явно або тайно подпрати их руйнуючу и основу державы спустошуючу роботу.

„Памяти Александра Духновича“ так называється книжка написана Августином Волошином, яка из нагоды 120 рочного ювілею поета вийшла накладом товариства „Просвѣта“ в Ужгородѣ. Книжка ся, як и портрет Духновича а також зборник поезій Духновича повиннѣ быти в хижѣ каждого русина. Цѣна нової книжочки 4 К, — Портрету 10 К, — Поезій Духновича 10 К.

— **Выименованя.** Епархіальне правительство выименовало Стефана Желтвая, сотрудника цегольнянского до Ласловца за приходника, и о. Стефана Ильницкого из скотарского до Нижнихъ Верещкихъ.

— **Др. Ант. Кир. Стоян** оломоудкій архієпископ по вѣдомостям „Руськулты“ выименован буде кардиналом. Сеся вѣсть причиняє нам велику радость, бо п. архієпископ есть ширым другом нашей газеты и нашего вѣрного руського народа. Желаеме ему из широго сердца сіє заслуженное отличie, як народу за его великѣ труды для Церкви Христовой.

— **Пряшевскій епископ др. Д. Нярадій** прибыв до Ужгорода на свято Духновича и віедно с епископом нашим притомнѣ были на театральном представлѣнію „Просвѣты“.

— „Чехословенскѣ“ не хотять быти віедно с шизматиками. На конгресѣ „Ческослов. народной Церкви“ днія 12-го апрѣля еп. Горазд предложив проект, чтобы и „православнѣ“ были принятѣ в организацію „Чесов. Церкви“, но болшинством голосов отвергли проект Горазда и оставили „православных“ на свою волю организовати церковь.

— Процес над патріархом Тихоном почав ся 24-го апрѣля

и обвиняють его противеволуційною агитацією. Цѣлый свѣт культурный знае невинность московского патриарха Тихона, головы россійской Церкви и цѣлый свѣт знает, что Тихон як умре, умре зато, бо в души горячо желав соединеніе россійской православной Церкви с каѳолическою. Он по души вже давно “уніят”. Чтобы спасти Тихона, кардинал Мерсіе с просьбою звернувся до всѣх христіянских держав, хрестоносный поход зорганизовать против бандитов-большевиков.

— **Турецкій язык — церковным языком в „православной“ церкви.** Св. синод при „вселенском“ константинопольском патріархѣ згодив ся на то, чтобы в Албаніи разрешено было уживання турецкого языка при богослуженії.

— **Россійска секта молоканов,** яка уже близко пов стоятія же в Калифорнії, где переселила ся из Россіи намѣряе теперь вернуті ся в Россію. Совјетское правительство згодить ся дати молоканам землю в Донской области, где они намѣренъ заняти ся земледѣліем, садоводством и скотоводством.

— **Англицкій король и римскій Отец.** В лондонском парламентѣ либеральнѣ послы за-

вдали интерpellацию: ци отповѣдае правдѣ, что англицкій король идучи в Италію нацивити хоче и папу римского? Министер президент Mr. Bonar Law отповѣдѣ: Англицка влада взглядом на великое число каѳоликов англійских, считаете отповѣдною повинностю короля послѣдовати примѣру XII. Едварда и нащивати папу римскаго в Римѣ.

— **Появила ся „Богословія“,** научовый тримѣсѧчик. Выходить в Львовѣ 4 раз на рок. Предплата 40 кор. Адрес: Bohoslovia, Leopol, Lwow, Kopernik 36 Предплату принимае и Благовѣстник.

— **„Православнѣ“** знов в бѣдѣ. У православных велика повина. Достали епископа; айбо не хоть якого, но архіепископа, до того еще такого, кого сам, константинопольскій наприярх послѣдник „св“ Фотія посвятив. Лишь то бѣда, что не русин, ани москаль, еще и не серб, но чех; а се нашим шизматикам не любить ся. Бо добрый нос они мають. Подозрѣваютъ, что под ческим „архіепископом“ скоро загине „св. православіе“ а они стануть гуситами або покрокарами. Як „Р. З.“ пише всѣ села и всѣ батюшки протестуютъ против нового „архіепископа“. Бѣднѣ шизматики.

Рок 1923.

„БЛАГОВѢСТИК“

Сторона 147.

До тепер мали епископа одного виключеного *папишкого попа Горазда*, а тепер одного чеха из Константинополя. Се ваша платня за *вѣроломство!*

— **Священники и политика.** В поедных газетах, особливо жидовских, подана была вѣсть, что Его Святѣйшество папа римскій запретив духовникам брати живу участь в политицѣ. Розумѣєся, что се неправда и е зломусленым выкручованьем единого разпоряженя св. Столицѣ, в котором заявлено, чтобы епископы и архіепископы не принимали на себе посольского мандату або министерства. Николи нигде не мог казати Рим, чтобы духовники не мѣшиались до политики, ибо тогды церковь в политичных борбах свѣтоглядов, осталась бы без обороны вѣрных своих сынов. Наоборот е то христіянскою повинностю каждого из нас внести и в политику свой ясный свѣтогляд и сим долати политичной жизни той соли, котра обезпечить политику от поисутя, от гнилизны! (Свобода)

— **Церкви в Сов. Россіи.** Харковскѣ сов. новинки повѣдомляють, что большевики забрали для своих приватных цѣлей много церквей и монастырей. В Харковѣ забрали монастырь для войсковой електротехничной академіи. В Одесѣ выбрали для ликвидациіи церквей окрему комисію, котра за один тыждень забрала на свѣтскѣ цѣли сѣм церквей и одну синагогу. Двѣ церкви и синагогу призначено на театр. На Волинщинѣ повстали також

рожнѣ комисіи, чтобы поборювати религію. Першою дѣяльнотю тих комисій было, что выкинено из хат много священиков. Ровночасно с поборюваням греко-російскою церкви, большевики виступають також против автокефальїи української церкви. В Києвѣ забрано Михайлівскій монастырь, а Печерську Лавру стараються середнеселеня представити в як найгоршом свѣтлѣ, чтобы той историчный монастырь взяти для своїх цѣлей.

— **Выказ греко.-кафт. священников дѣйствующих во Спол. Державах Сѣверної Америки по епархіям, из которых происходят:** Из епархії мukachevskої 40, пряшевskої 52, гайдудорогskої 5, львовskої 47, премышльskої 11, станиславskої 2, крижевацkої 2, Румунії 18, Васил. из Галичини 11, Вас. из Подк. Руси 1, перебранніи из російскою миссії 19, рукоположені в Америцѣ 22. Всѣх разом 230. Дуже интересантный и ясный документ коло укрѣпленія гр.-кафт. вѣры то, что пока от гр.-кафт. токмо еден духовник перешов (Ст. Дзубай) на шизму, дотѣ из російских шизматических духовников 19. стали греко-кафтоликами. Дух времени!

— **Выказ гр.-кафт. церквей во Спол. Державах Сѣв. Америки:** подк. руськѣ 148, українскѣ 124, румуньскѣ 18, мадьярскѣ 12. Всѣ 302.

— **Благовѣстник в Америцѣ.** Достала редакція / из Америки сесѣ рядки: Мила редакція

„Благовѣстник“! Сердечно дя-
кую, же 'сте мою жадость ис-
повнили и послали туту улю-
бленну газету „Благовѣстник“,
которй уж ем ся не мог доче-
кати. Я доставаю четыри газе-
ты: 2 тижденники, 1 денник и
1 мѣсячник, аproto я желаю
собѣ вашу газету „Благовѣст-
ник“ и proto вас напоминаю
обысце не перестали посылати
туту на м улюбленну духовну
газету, котру я буду с радос-
тю чекати и приимати як
дорогого гостя. Но чтобысте
много часу не тратили при-
читаню моего доцису, сим кон-
чу и желаю вам Божого благо-
словенія при вашой працѣ,
най вас Господь Бог подер-
жить в здравїи на многая и
благая лѣта. 2. апр. 1923.
Мих. Ковалик 907 Union
st Taylor Pa Amerika. — Пред-
плата на „Благовѣстник“ 12

К ч на рок. Адрес: Ужгород,
Капитулска ул. 3.

— Газета Русин и христ.
вѣра. Наша одинока руська что-
дenna газета Русин в ч. 61 выве-
дучой статѣ межи прочимъ так
пише о религії (вѣрѣ): „Ре-
лигія зовсѣм не е переможеное
становище як ошибочно думає
заходна вольна думка Евро-
пейскѣ философы признаютъ,
что европейска культура (те-
перьшня) е односторонно ма-
теріалистична и через то му-
сить упасти. Тому и на рели-
гію починаютъ инажше дивити
ся. А что у нас на Подк. Руси
е религійной споры, то тому,
что проводари мѣшають рели-
гію с національностю и под-
бурюють народ так, як им
особисто потреба, ци там вы-
магає якась политика“. Статю
написав Ф. Т.

Короткѣ вѣсти. Чески газеты пишуть, что Глинка водж
 словацкой народной партіи буде выименован епископом. —
 Патриарха Тихона неред большевицким судом оброняти
 буде адвокат Бобричев Пушкин, обронитель архіепископа
 Цеплака. — Бѣлый интернаціонализм заосновав ся в Италіи
 на оборону христ. свѣтогляда, в котором участь беруть всѣ
 христіянскѣ партіи цѣлого свѣта. — Ческѣ епископы дня 12-го
 апрѣля били принятѣ на авдіенціи у римского отца. — В
 Турціи буде в коротком часѣ принят закон, якій забороняє
 турецким горожанинам держати больше як одну жену. —
 Священики пряшевской епархіи на предложеніе еп. Нярадія
 5%-ов обѣцяли жертвовати на епарх. цѣли из надзвычай-
 ної держ. подпоры.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.